

**ISEYELI NYEMA
LIU
TOM TAKELAYA
Kutulutu**

Takelaya kanε ka hεte hulεgεna isεna Iso lεsa ι yεlaa ke Icipiti yomle taa tε. Toma sεsεna ke ι lεsεna-wε, n a ι lα kεkεbε nyεmnaa na piti tεma. Mpygy ι tana-wεγε tetu kupantu taa. Halεna ι cεla ι yulu Moisi ke kusεsutu ke naanowa kε wεlaya tetu taa. Si pα tεki-ti na pε hόli si pa sεla pa caa Iso wei ι lεsa-wεγε yomle taa tε.

Isεna pa faya Liu takelaya tε:

Isε krawa Moisi ke Iseyeli nyεma tiikilu, na Icipiti nyεma yele-wε si pα tεε, titite 1:1-15:21

Iseyeli nyεma tapa wεlaya tetu taa, Iso kentuyu ke pa tεε, titite 15:22-18:27

Isε na ι yεlaa Iseyeli nyεma pa nεgε pεeluyu ke Holεpu wεlaya tetu taa, na kusεsutu naanowa, titite 19-24

Isε hula Moisi ke cokεle sikuyu, titite 25-31

Iseyeli nyεma lunuyu ke naule na Iso pαnα, titite 32-34

Isε cayale ke cokεle taa, titite 35-40

**ISO LSEYI ISEYELI NYEMA KE
ICIPITI TETU TAA**

Iseyeli nyεma yomle tεgεv ke Icipiti

¹ Yakεpu wei pa cuyusaa si Iseyeli tε, ι na ι pεyalaa mpa pa pola Icipiti ke cayalutu tε, pa lulεη loosi na pa hεla ntε. ² Lupεη, na Simiyεη, na Lefii, na Yuta,

na ³ Isakaa, na Sapuləŋ, na Pɛncamee, ⁴ na Tan, na Nefətali, na Kati, na Asee. ⁵ Yakəpu pəyalaa na ɪ saalənaa mpe pa təna paa we yulnyəŋ nutoso na naanowa (70) ké. Ue ɪ pəyalu ləlu Yosɛɛfu ná laala-wɛɣe Icipiti ke pote. ⁶ Pə waali ké Yosɛɛfu na ɪ taalnaa mpa paa pola Icipiti tə pa səpa pa təna. ⁷ Paa na mpv Iɛɣeli nyəma mpe pa huka teu təyomyom na pá sú tetu na pa toŋ feina saala.

⁸ Ḿpúgú wulav kofalv nəgəlv ná təgə kawulaya. Ama ílé ɪ ta nyi Yosɛɛfu. ⁹ Ntəna í koti ɪ yəlaa na í tə-we si: ɪ nyəni, Iɛɣeli nyəma kəla-tuyv samaa na toŋ, pa wɛ-tuyv asola ké. ¹⁰ Mpυ tə, pə wɛɛ si tə pɛɛki yaasi wei tu pasəna-wɛ tə. Pə taa kəə na pə yoosi tá na tá kolontunaa na mpe pá sɛɛna pa təə na pá kəli-tv. Uena pá se na pá tɛɛ.

¹¹ Tənaɣale Icipiti nyəma towa Iɛɣeli nyəma ke yomle təma wahala nyəna. Na pá kra a feŋlaa na pɛle pá tuyv-wɛɣe-yɛ. Halɪ Iɛɣeli nyəma mpe pa ŋmana acalee wena pa yaa si Pitom na Lamsɛsi tə. Tənaɣa Icipiti wulav^a siki ɪ wontu. ¹² Paa na pa təma anəɣi mpv tə, pa təŋna hukuyv ké na pá suyi tetv. Uena Icipiti nyəma tɛɛ náá suukəna-wɛɣe səsəm. ¹³⁻¹⁴ Ḿpúgú pa tv-wɛɣe yomle təma. Uena pɛle pá lu pa təɣi luyv. Mpi tə, cuv v ke pa casaya na pá ŋmaaki pilikinaa, na pá laki tawa təma təna. Pa tukaya-wɛɣe-yɛɣe ḿpúgú na mvsəŋ.

Icipiti wulav kuvv ke Iɛɣeli nyəma piya

¹⁵ Hɛpəla nyəma ka wena alaa luləsəlaa ke naaleɣe. Pa yaa ləlv si Sifəla na ləlv si Puwa. Mpyulɛ Icipiti

^a **1:11** Icipiti wulav: Pa yaakuvv si Icipiti wulav tə pə taya hətɛ. Pə hɔwɛɛ ntɛ si Icipiti wulav na pɛle pa təm taa. Pə təə ké pə wɛɛ si taa tó si wulav yaa Icipiti wulav.

wulav yaa-we na í heeli-we si: ¹⁶ I fenjiyi Hepəla alaa təlvllə na í kuyi apaləpiya ke saav taa ké kprakpa. Ama í yeki aləpiya.

¹⁷ Lvləsəlaa mpe pəle pa nyanayana Iso. Uena pá kisi wulav təm nti. Ue pa ta kv apaləpiya. ¹⁸ Tənayale wulav yaa-we na í pəəsi-we si: Pepe təə ké u kuyi apaləpiya mpe? ¹⁹ Ntəna lvləsəlaa mpe si: Hepəla alaa fayana Icipiti nyəma ke yoo. Pa apalətv we səyəntv. Pa lvləyi pa piya ké na pəcə taa takı.

²⁰⁻²¹ M'p'og'og' Iso koola lvləsəlaa mpeye kəpantv, na í lá na pa piitim tayalı. Mpi tə, pa nyanayana-i tə pə təə. Uena İseyeli nyəma náá hukiyi na pá nyəəki toj.

²² M'p'og'og' Icipiti wulav towa Icipiti nyəma təna si: Ye Hepəla alv lvlə apaləpəyaya í tənisi-keye Nili pəyə lvm. Ama í yeki aləpiya.

2

Moisi lvləyv na i pəcaatv

¹ M'p'og'og' Lefi tv nəyəlv i kraya Lefi alv nəyəlv. ² Uena alv inı í lá teu na í lvlə apaləpəyaya. Ka lapə-i teu ke səsəm. Uena í mayası-keye ηmesuyv ke isətvnaa tooso. ³ I nawa si i kaa pəsi na í ηmesi-ke, uena í caa kowusaya na í taa-keye kaaloo, na toyv nakvli kv cələm si lvm í taa svv. M'p'og'og' i husa pəyaya ke pə taa na í pona kowusaya ηke na í su pəyə taa, ké kuten luyv tēē, ké səsəncaası taa. ⁴ Na pəyaya ηke ka kəyə səηa taa ləm tə si i naaki mpi i neu ká tēna tə.

⁵ Pə pamna Icipiti wulav pəelə tii lvm səv, na i taapalaa su-i na pəle pá máləyí kuten. Ue Icipiti wulav pəelə loosa kowusaya nté səsəncaası tēē ké lvm taa. Uena í tili i yomaa taa ləlv si í polo í kraya. ⁶ I kulaa ulə i mayana apaləpəyaya nté na ká wiiki. Ka

təm lapa-ι pətətəte ɪlena í pəsəna si: Cəne ɪni, Hepəla nyəma pəyaya ké.

⁷ Ka kəɣo ka səŋa təna, tənaya ι nəɣo təkpaɪ si: N caa si má polo má pɛeki-η Hepəla alɔ wei ι ká mʊsəsi-ké tɔ? ⁸ Ntəna pɛɛɔ ɪni í cɔ si: Polo.

Kəɣo tɛɛwa ɪlena í kəna aɬɔɬɔm ɪni ι too kʊɬɔɬɔ.
⁹ Ḿpúyú Icipiti wulav pɛɛɔ təma alɔ ɪni si: Kpaɣa pəyaya kanɛ na ń mʊsəsi-m- ke, maɔ feli-η.

ɪlena toto kpaɣa-ke na í tɔɔ-ke.

¹⁰ Pəyaya kəma na ká cé hətɛ ɪlena ka too pona-ke na í cɛɛ-keɣɛ Icipiti wulav pɛɛɔ na ká caɣa ι kiŋ ɪsu ka too kʊɬɔɬɔ. Ntəna ɪlé í ha-keɣɛ hətɛ si, Moisi. Lɔm apalɔ ke pa yaa mpɔ na pa té taa. Mpi tɔ, lɔm taa ké ι ləsa-ι.

Moisi sewa na ι pote ke Matiyah tetv taa

¹¹ Moisi lapa səsə ɪlena kuyaku nakɔɬi í polo si ι naaki ι nyəma Hepəla nyəma. Na ι nawa tətəɣo wahala təma wena Icipiti nyəma tukaya-we tɔ. Haləna í ná tətəɣo Icipiti tɔ nəɣɔɬɔ ι kuyi Hepəla tɔ. ¹² ɪ caa ɪsɛ ke ι taa na ι waalɔ ι ta na nəɣɔɬɔ, ɪlena í kó Icipiti tɔ na í ŋmɛsi-ι kanyəŋa tɛɛ. ¹³ Tɛv fema na í məɬi, ɪlena í maɣana Hepəla nyəma na pá makɔ təmaɣa pa taa pa tike. ɪ lola-we ɪlena í pɔɔsi mʊsɔŋtɔ si: Pepe tɔɔ ké n lakɔ nyá tɛɛtɔ ke nyəməŋ ke mpɔ? ¹⁴ Mpuyɔɬɛ ɪlé ι pəsəna-ι si: Awe kra-η tá wulav yaa tá təm hʊɬɔ ye? N caa si n kʊ-m ɪsu n kuyɔ Icipiti tɔ tɔ yɛɛ?

Moisi cəkənaa si yəlaa nyəmá-ti ɪlena sɔɣɔntɔ kra-ι. ¹⁵ Icipiti wulav maɣamaɣa ná nu mpɔ na ɪlé ι təŋna pɛɛkuyɔ si ι ləsəɣi ι luyɔ tɛɛ. Ntəna Moisi sʊv nyutɔ na í polo Matiyah tetv taa ké cɔɔsuyɔ. ɪ tala təna ɪlena í caɣa ləkə nəɣɔɬɔ ι nəɣo.

16 Kətulv nəγəlv ɪ ka we təna na pá yaakɪ-ɪ sɪ, Yetulo. ɪ wena pɛelaa naatosompəγəlaya. Ḿpúγú pɛelaa mpɛ pa pola lvm luyɪ sɪ pa suuliyɪ pəlonaa na pa caa təla nyəə. 17 Pə tasaa ɪɛ, tiikilaa napəli pa kəmayale na pá təγəni-we. Moisi ná mpv ɪlena í sɛena pɛelaa mpɛ pa təə, na pa kaləkv nyəə. 18 Pa mələ təyaya ɪlena pa caa pəəsi-we sɪ: ɪsənaγa pə lapa na saŋa í kəə ləŋ ke mpv? 19 Ntəna pá cə-ɪ sɪ: ɪcipiti tv nəγəlv ɪ waasəna-tv. Haləna í lu tá kaləkv ke lvm na kú nyəə. 20 Kələna pa caa nəγə təkpaɪv sɪ: Na apalv ɪni ɪ we le? ɪ tá sɔvna-ɪ təyaya suwe? Təv, í polo na í yaa-ɪ na í kəə na tá na-ɪ tə təγə.

21 Ḿpúγú Moisi tisaa na í caya apalv ɪni ɪ tɛ. Haləna ílé ɪ ha-ɪ ɪ pɛelə Sefola na í lá alv. 22 Alv ɪni ɪ lapa teu, ɪlena í lvlɪ apalvpəyaya na ka caa ha-keγɛ hətɛ sɪ Kɛsəm. Macəəsaa ké pɛle pa yaa mpv na pa té taa.

ɪsə lapa Moisi ke ɪsɛyeli nyəma waasvɪ

23 Ḿpúγú pə taŋa səsəm, ɪlena ɪcipiti wulav sí. Yomle nuwa ɪsɛyeli nyəma ɪlena pá wiiki na pá tekiyi ɪsə sɪ í waasi-we na ílé ɪ nu. 24 Na í təəsi nəγə ŋka ɪ ka su pa caanaa caanaa Apələham na ɪsaaka na Yakərv tə ka təə. 25 Na í nyəni ɪsɛyeli nyəma na í paasəna pa təm.

3

1 Waatv ɪni tə na Moisi náá təŋna ɪ yəti Matiyəŋ kətulv Yetulo təla tiikuγu. Ḿpúγú kuyaku nakulɪ ɪ tiikaa na í tala ɪsə pəγv ŋku pa yaa sɪ Holərv təγə wəlaya tetv waali. 2 Tənaγa Taca tillu lu ɪ təə ké tiika kuləpaya ŋka ka mvyɪ kəkə tə ka taa. ɪ paasəna teu, ɪlena í ná sɪ kəkə mvyɪ yáá. Ama tiika mayamaya u nyaki. 3 Ntəna í tú ɪ taa sɪ ɪ ká kprətəna teu na í ná

piti tɔm nti si isənaya pə lapa na kəkə mvyi tiika na kaa nyaki. ⁴ Iso nawa si i caa kpətənav, ilena í yaa kəkə ŋke ka taa si: Moisi Moisi. Na Moisi cɔ si: Ma nuwa. ⁵ Mpyule Iso tɔma-i si: Taa kpətəna tiika ŋke yoo. Wɔɔsi nyá ntankpala. Mpi tɔ, Iso tetu tɔɔ ké n səŋa mpu. ⁶ Maɣale nyá caanaa caanaa Apələham na Isaaka na Yakəpu pa Iso.

Sɔɔntu kra Moisi, ilena í taki i isentɔɔ si í taa na Iso. ⁷ Ntəna Iso tɔ si: Ma nawa isəna ma yəlaa tɔki kɔnyɔŋ ke Icipiti tɔ. Pəyale ma nuwa wula nna pa ŋmakəllaa tɔyɔ-wɛ tɔ. Ma nyəmə pa wahalanaa tɔɔ. ⁸ Pə tɔɔ ké ma tiiwa si ma ceki-wɛyɛ Icipiti nyəma nin taa, na má pona-wɛyɛ tetu kɔpantɔ nti tə walaa na tɔɔnaya na kɔpantɔ təna tɔla yem təhɔ tɔ tə taa. Kanaaŋ nyəma, na Hiti nyəma, na Amolii nyəma, na Filiisi nyəma, na Hifi nyəma, na Yepusi nyəma, pa caɣana tə taa. ⁹ Ma nuwa Iseyeli nyəma wula, pəyale ma nawa yaasi wei Icipiti nyəma ŋmakəlɔyɔna-wɛ tɔ. ¹⁰ Mpu tɔ, ma tiliyi-ŋ Icipiti wulav té si n polo na n ləsi ma yəlaa Iseyeli nyəma ke Icipiti taa.

Iso hvləyi i təyi Moisi

¹¹ Mpyule Moisi cɔwa Iso si: Maɣale awe na halɔ máa puki Icipiti wulav kin si ma ləsəyi Iseyeli nyəma ke Icipiti taa? ¹² Kelena Iso si: Maa wɛɛ nyá waali. Na mpi n ká nyəna si má tiliyina-ŋ tɔyɔle si, n ká ləsi Iseyeli nyəma ke Icipiti na nyana-wɛ í kɔɔ na í sɛɛ-m puyɔ kɔnɛ kɔ tɔɔ cənɛ. ¹³ Ntəna Moisi si: Pə wɛ teu, ye ma polaa na má maɣana-wɛ, na má heeli-wɛ si pa caanaa Iso tilina-m pa waali. Iɛ paa pɔɔsi-m nyá hətɛ, ilena má cɔ-wɛ suwɛ?

¹⁴ Mpyule Iso cɔ-i si: Ma hətɛ nté Mawɛtam. Mpu tɔ, n polaa iɛ n heeli-wɛ si: Tamwɛɛlv tilina-m

mə waali. ¹⁵ Na í cuɣusi si: Mə caanaa caanaa Apələham na Isaaka na Yakəpu pa Iso Tacaa tilina-m mə waali. Ma həte nté, haləna antulinya polo na í kuli. Həte nteɣe yəlaa ká yaaki-m paa waatu wei. ¹⁶ Təu, polo pənentaa na í koti Iseyeli səsaa na í heeli-we si: Mə caanaa caanaa Apələham na Isaaka na Yakəpu pa Iso Tacaa lu ma təə na í heeli-m si ı na-me na ı nyóma isəna pa ηmakələɣi-me tə. ¹⁷ Na ı tú ı taa si ı ləsəɣi-meɣe wahala tetu taa cəne na í pona-meɣe Kanaaη nyóma, na Hiti nyóma, na Amolii nyóma, na Filiisi nyóma, na Hifi nyóma, na Yepusi nyóma pa tetu taa, timpi təɣənaɣa na kúpantu təna təla yem təhə tə. ¹⁸ Ye pa nu mpv paa mu-təɣi. Uena í kraɣa-we na í polo í mayana Icipiti wulav na í heeli-ı si Hepəla nyóma tá, tá Iso Tacaa lu tá təə. Mpυ tə, ha-tuɣu mpaav na té polo wəlaɣa tetu taa na té lapi-ı kətasi. Pı mayana ısu kuyeyη tooso tənte. ¹⁹ Ma nyəma si ye pə ta haη wulav ı kaa yele-me na í tee. ²⁰ Pə təə ké maa hə Icipiti nyóma ηkraηη na yaasinaa mpa too pa ta nata tə na halı wulav təɣəni-meɣe kətəɣənu na í tee. ²¹ Halı má yele na Icipiti nyóma la-meɣe kúpantu na í taa lu niη kakpası. ²² Paa Iseyeli alv wei ı ká sələmi Icipiti alaa mpa pa ké ı asəmaa na ı cələ nyóma təɣə nyəɣətu kúpantu wontu, na wəla nyəntv, na wontu kususuutu, na í tú mə piya təə. Ḿpúɣú í ká səsəna Icipiti nyóma ke konyəη.

4

Iso hóláɣı ı toη ke Moisi

¹ Ḿpúɣú Moisi pəssa Iso Tacaa si: Na ye ısu Iseyeli nyóma ta tɔna ma təm na pá kisi-m nunav na pá tə-m si Tacaa ta lu ma təə ké tiili se? ² Ntəna Tacaa təm-ı

si: Pepeye n tōka nyá nin taa? Mpuyle si: Kpátúyó.
³ Kelená Isó si: Peti-kuḡu ate. Moisi petá-ku, iléna kú
 pəsi tòm. Tənaḡa i ḡmaawa təyayav. ⁴ Ḿpúyó Tacaa
 heela-i si: Siisi na ḡ kra i suka taa.

Moisi siisaa na i kra tòm iní təcav, iléna tòm tayani
 kpátúyó ke pəsuyu ke i nin taa. ⁵ Iléna Isó si: Mpi n
 ká húləna lseyeli nyəma si pa caanaa Apələham na
 Isaaka na Yakəpu pa Isó Tacaa má ma lu nyá tə təḡle.
⁶ Ḿpúyó Isó tasa Moisi ke heeluyu si: Nyəki nyá nin
 ke nyá lanle taa ké nyá toko tée.

Moisi nyəka i nin ke mpv na í kusi-i, ilé i tuta tənuyv
 tə asilima kutəḡ^a waasa i nin tənaḡale na í sɛɛwa
 təhaii. ⁷ Kelená Isó si: Mələna nyá nin ke nyá lanle
 taa.

Moisi kəma na í kusi i nin ilé i məlaa kele
 təmammam isu i ka wɛv tə. ⁸ Mpuyle Tacaa təma si:
 Ye lseyeli nyəma ta tona-ḡ, na ḡ kisi na ḡ la piti təmle
 kancaalaya nyənte na pá tá mv nyá tòm. Ńlara naale
 nyənte tənɛ isu pa mv-ti. ⁹ Ye pə kpeḡna piti təma anɛ
 a naale na pá ká nyuyv na pá kisiḡi nyá tòm na paa
 nukəna-ḡ, ilé ḡ cosí Nili pəḡə lvm na ḡ pəli-wəḡi tetv
 tə na pá pəsi caləm.

Isó kpawa Aləḡ ke Moisi waali tv

¹⁰ Ḿpúyó Moisi si: Pə kaa la, ma ta nyi yəḡətaya.
 Paa hatoo n caala-m yəḡətənav tə ma taa nyi
 yəḡətuyv. Paa na nəḡəḡ isəntə kulvmtv ntəḡi, pə ta
 layasi.

¹¹ Kelená Isó nəḡə təkpaḡ si: Pə taya ma tona yulv
 ke nəḡə taa? Na ye ma nəkaa ma lapɪ-i kamumuka
 yaa ntam. Pəyele má nəkaa ma yele na í naaki yaa í

^a **4:6** asilima kutəḡ: Mpi Ləkra taa pa yaa si kutəḡ kuvɛɛmuyv təḡə pa
 yaa cənɛ si tənuyv tə asilima kutəḡ.

yulomi. ¹² Mpu tɔ, tee nɔnɔ. Maa wee nyá waali na maa tú nyá nɔɔ taa ké tɔm pee wena n ká yɔɔti tɔ. ¹³ Mpuɔle Moisi si: Hai, Taca, ma kra nyá yule, tili wei n caa tɔ, yele ma tɔm.

¹⁴ Tɔnɔale Moisi tɔm lapa Taca ke páná na í tɔm-i si: Nyá taalv Lefii tv Alɔn wee. Halí ílé i tu luna nteye nyá sɔnɔv, na í loosa-n i lanholvme ká wee sɔɔntv. ¹⁵ N ká telɔs-i nti nti i ká yɔɔtɔyi tɔ. Na máa wee mə waali na má húlí-meye mə kulapəle. ¹⁶ Nyá pəsa isu Isɔ kele, na n teləsəyi-i nti i ká heeliyi samaa na nyá nɔɔ tɔ. ¹⁷ Tɔki nyá kkrátúyú ke nyá nin taa na n lakəna-kvɔv piti tɔma.

Moisi məlvv ke Iseyeli nyóma kin

¹⁸ Mpuɔyú Moisi məla i yəti Yetulo cɔlv na í heeli-i si: Ma mələyi Icipiti na má ná Iseyeli nyóma alaafəya. Ntəna ílé si pə we teu, polo.

¹⁹ Mpuɔyú Taca heela Moisi ke Matiyən tetv taa təna si: Taa nyana Icipiti məlvv. Mpi tɔ, mpa pa ləkayə-n kvɔv tɔ pa səpa pa təna.

²⁰ Uəna Moisi cayasi i alv na i piya ke krahasi na pá tee Icipiti, na í tɔka kkrátúyú nkɔ Isɔ ka heela-i si í kraɔa tɔɔ i nin taa. ²¹ Uəna Taca tasa-i heeluyv si: Ma ha-n ton si ye n tala Icipiti, n la piti tɔma aní a təna na Icipiti wulav ná. Ama maa tv-i lankrusəɔn na i kaa yele Iseyeli nyóma na pá tee. ²² Na n heeli-i si maya Isɔ Taca ké. Iseyeli nyóma we ké isu ma apalv pəyaya kancaalaya nyəka. ²³ Timpi ma tɔma si í yele ma kancaalaya pəyaya na ká polo ká sɛɛ-m na í kisi tɔ, pə tɔ ká maa kú iní i apalv pəyaya kancaalaya nyəka.

24 Μπόγύ Moisi pa sɔv tiiliyi ahoɔ naali. Uena Iɔ kɔɔpɔ-ɪ sɪ ɪ kɔyɪ. 25-26 Tənaɣale ɪ alɔ Sefola kɔɔɣa kɔɔntanyaaɔvɔvɔ na ɪ pɛli pəɣaɣa hənɔɣɔ na ɪ tokina-keɣe Moisi tɛɛ na ɪ tɔ sɪ: N ke-m caləm apalɔ ké. Pɛɔvɔvɔ təm ke Sefola ɣəɣətəna mpɔ. Uena Iɔ yele Moisi.

27 Μπόγύ Iɔ heela Alɔɲ sɪ ɪ sɔɲ Moisi ke wɔɔɣa tetɔ ta.

Alɔɲ tɛɛwa uena ɪ suli ɪ neu Moisi ke Iɔ pɔvɔvɔ kɪɲ, na pá kɔɔ təma na pá sɛɛ təma. 28 Na Moisi ná keɛsɪ-ɪ təm nti Iɔ heela-ɪ na piti təma nna ɪ ka hɔla-ɪ tɔ. 29 Ntɛna pa naale pá tɔɲ təma na pá polo Icipiti na pá kɔti Iɛɣɛli sɔsaa. 30 Μπόγύ Alɔɲ keɛsa-wɛɣe nti nti Iɔ ka heela Moisi tɔ, na pá lá piti təma anɪ na Iɛɣɛli nyəma ná. 31 Pɛɛ pa ná mpɔ, uena pá tisi sɪ Iɔ lakəna. Pa cɛkənaa sɪ Iɔ naɔwa pa kɔvɔvɔntɔɣɔɔle ké na ɪ kɔɔ sɪ ɪ waasi-wɛ. Uena pá həntɪ-ɪ atɛ na pá sɛɛ-ɪ.

5

Moisi na Alɔɲ pa pote ke Icipiti wulav té

1 Pəɛ pə waali ké Moisi na Alɔɲ pa pola Icipiti wulav té na pá heeli-ɪ sɪ: Iɛɣɛli nyəma ta, tá Iɔ Tacaa sɪ tɔ heeli-ɲ sɪ ɲ yele-tɔ na tɔ polo poolɔɲ na tɔ lapɪ-ɪ təmle pəɣaɣa nakəli. 2 Tənaɣale Icipiti wulav nɔɣɔ təkɔav sɪ: Aweɣe Iɔ Tacaa ye? Ma ta nyɪ pɔntɔ. Ue ma fɛɪ sɪ ma nukɪ ɪ təm na má yele Iɛɣɛli nyəma sɪ pá polo tiili.

3 Mpɔvɔɔɔle Moisi na Alɔɲ pa cɔwa sɪ: Hɛpəla nyəma tá, tá Iɔ Tacaa luna tá tɔ na ɪ heeli-tɔvɔvɔ mpɔ. Pə tɔ tɔ yele-tɔ na tɔ tɔ kɔvɛɛɲ tooso na tɔ polo poolɔɲ na tɔ lá kətasi. Ye pə taya mpɔ ɪ ká kv-tɔ na kv-tɔɲ ɣaa ɣoou. 4 Μπόγύ wulav holina Moisi na Alɔɲ sɪ: Mɛ, pɛpɛ tɔɔ ké ɪ tɔsəɣɪ Iɛɣɛli nyəma sɪ pá yele pa

təma ye? Mu məli mə nyəna taa. ⁵ Nəənəə taa yəlaa panε pa hukaa ké isu pa təma ka polo isentaa, ilena í caaki si í məηna-yεye waali yeε?

Wahala təma səsuyv

⁶ Kuyaku ηkyv Icipiti wulav heela Icipiti nyəma mpa pa ké wahala təma feηlaa səsaa tə, na mpa pa ké feηlaa səkpema ke Iseyeli nyəma taa tə ⁷ si: I taa tasa-wεye pilikinaa kasaaloka celvγv ke faalaa. Pa mayamaya paa pukina na pá kvη. ⁸ Pécó pə fei si pa pikilinaa í səki isu pa tu ηmaaki tə. Felentunaa ke-wεye. Pə təə ké pa kəma ma kin si má ha-wεye mpaav na pá polo pá lá pa Iəə ké kətasi. ⁹ I tv-wεye təma toη nyəna. Iε pa kaa hiki tapasopəle si pá paasəyəna pa pəpətv təmnaa mpe.

¹⁰ Mpyúy feηlaa səsaa na səkpema pa lu Icipiti wulav té na pá polo pa heeli Iseyeli nyəma si: Wulav si, tə taa tasa-mεye kasaaloka celvγv. ¹¹ Si mə mayamaya í ká yeləna na í kú. Pəyele mə pilikinaa kaa səki isu í tu ηmaaki tə.

¹² Mpv pə yelina na Iseyeli nyəma ya Icipiti tetv taa si pá kvη kasaaloka. ¹³ Na feηlaa səsaa náá caaləyι-wε na toη si pə wεε si pá tēη paa ifemle nte tə pilikinaa ke teitei, isu too paa celaya-wεye kasaaloka ke kvcelv tə. ¹⁴ Haləna feηlaa səsaa mpe pá maki səkpema mpa paa kpawa Iseyeli nyəma taa tə. Si pepe təə ké nəənəə samaa u laki pilikinaa, na pə taku isu too paa suw tə.

¹⁵ Mpyúy feηlaa səkpema mpe pa pola Icipiti wulav kin si pa hóləyι-i pa wahala na pá wiina-i si: Hai, tá caa, pepe təə ké n naasəyι-tvγv mpv? ¹⁶ Nyəni, anı tá mayamaya tə kvηna tá kasaaloka. Pəyele pa caaləyι-tv si tá pilikinaa í taa səki isu tu ηmaakaya

tə. Pə́cə pa təŋna-tuɣu maɾu ntə. Nyá yəlaa təm səpaɣa. ¹⁷Tənaɣale Icipiti wulav nəɣə təkpaɾu si: Ɔ ké felentunaa kpitikipitinaa ké, pə maɣamaɣa pə təw ké í waakəna si í puki Iso ké kətaya lapu. ¹⁸Ɔ kuli na í tɛɛ mə təma taa. Nəɣəlu kaa cɛla-mɛɣe kasaaloka ke faalaa. Pəyele í ká ŋmá pilikinaa ke teitei ké isu í tu ŋmaaki tə.

¹⁹ Ḿpúyú fenlaa mpe pa laná wakəlaa. Mpi tə, pa heela-wɛ si paa ŋmaaki pilikinaa ke paa ifemle nteɣe təcɔŋŋ isu paa suwa tə. ²⁰ Mpe pa lukaya ɛle pa maɣana Moisi na Aləŋ pa taŋa-wɛɣɛle. ²¹ Ɔlena pá tɔv pɛle si: Iso ká kpaɾi mə yule təw ké kpaakpaale. Mpi tə, mə lapəna na Icipiti wulav na ɪ waali nyəma pa luyu lu-tv. Mə tekina tá luyu si pá lenti.

²² Ḿpúyú Moisi tasa Tacaɔ ke sələmɔɣu tətə si: Hai, Tacaɔ, pepe təw ké n laki nyá yəlaa taɣa isayatu? Na pepe təw ké n tu tila-m pa waali? ²³ Hatoo kɔyaŋku ma heela Icipiti wulav ke nyá təm tə, ɪ səsə Iseyeli nyəma ke wahala ké. Pəyele nyá suma, nn luki si ń waasi-wɛ.

6

¹ Ḿpúyú Tacaɔ cəwa Moisi si: N ká ná isəna maa la Icipiti wulav tə. Təŋ ke maa lana-ɪ na í yelemɛ na í tɛɛ. Halɪ ɪ maɣamaɣa ɪ ká tu təɣəŋna-mɛɣe ɪ tetv taa si í tɛɛ ləŋ na í wɛsi-ɪ.

Iso su Moisi ke nəɣə si ɪ ká waasi Iseyeli nyəma

² Ɔlena Iso tasa Moisi ke heeluyu si: Ma ké Tacaɔ ké. ³ Halɪ ma hɔlá ma təɣi Apələham na Isaaka na Yakəɾu si maɣale Iso Toma təna tv. Ama pa ta nyi si ma hətɛ tətəɣəle Mawɛtam. ⁴ Ma na-wɛ tə pɛela nəɣə na má su-wɛ si maa ha-wɛɣe Kanaaŋ tetv nti

tə taa pa caɣa caɣalɔtu ke isəntə tə. ⁵ Pəneɛte ma nu yomle nte Icipiti nyóma tɔɣi-we na pá wiiki tə. Haləna pə təəsi-m nəɣə ŋka ma na-we tu pɛɛlaa tə. ⁶ Pə təə ké ma tɔ Moisi si í heeli-me si maɣale Tacaɔ. Maa ce-meɣe mə yomle na mə wahala təma taa na má waasi-me. Na ma h́o Icipiti nyóma ŋkraŋɔɣu na ma tɔŋ səsəŋ. ⁷ Maa nyəni-meɣe ma yəlaa na míi nyəni maɣa mə Iso. Waatu inəɣi i ká nyi si mə Iso Tacaɔ má ma hetəɣəna-meɣe Icipiti nyóma wahala təma anɪ a taa. ⁸ Pəle pə waali maa pona-meɣe tetu nti maa si Apələham na Isaaka na Yəkəpu ke nəɣə na tuunav si maa ha-me na t́ə pəsi mə nyəntu tə tə taa. Mpi tə, maɣa Tacaɔ ké.

⁹ Ḿpúɣú Moisi kraɣa təm nti na í teləsi Iseyeli nyóma ilena pá kisi tə mɔɣu. Mpi tə, pa yomle təma kəla-weɣe puu.

¹⁰ Uena Tacaɔ tasa Moisi ke heeluɣu si: ¹¹ Polo Icipiti wulav kin na í heeli-i si pə weɛ si í yeɛ Iseyeli nyóma na pá lu nyá tetu taa.

¹² Ntəna Moisi nəɣə təkpaɣ si: Iseyeli nyóma maɣamaya ná tá nuna-m kacəŋfana Icipiti wulav? Halɪ maa tu pəsəɣi yəɣətaya ke isəntə tə, pə tu tɛsaa kɛɛ.

¹³ Kɛɛna Tacaɔ tɔ Moisi na Aləŋ si: I polo mə naale na í maɣana Iseyeli nyóma na Icipiti wulav na í heeli-we si, pə weɛ si Iseyeli nyóma í lu Icipiti taa.

Moisi na Aləŋ pa caanaa caanaa həla

¹⁴ Iseyeli nyóma ləlɔŋ loosi nyóma cəsənaa həla ntə.

Yəkəpu pəyalu kancaalaya nyəŋ Lupɛŋ pəyalaa nté Hanəki na Palu na Həsələŋ na Kaami, pɛɛɣɛɛ Lupɛŋ ləlɔɣu loosi nyóma cəsənaa.

¹⁵ Simiyōŋ ílé ι pəyalaa nté, Yemuweli, na Yamēŋ, na Ohati, na Yakēŋ, na Sohaa, na Sawuli. I alu Kanaaŋ nyəŋ lələna-ι ι pəyalu kantəkaya nyəŋ inε. Simiyōŋ ləluyu loosi nyóma cəsənaa nté.

¹⁶ Lefii pəyalaa mpa pa ké ι ləluyu loosi nyóma cəsənaa tə pa we yəlaa tooso ké.

Pa həla nté Keesəŋ, na Kehati, na Melali. Lefii inι ι ləluyu pusi nté nunuwa na hiu na naanuwa na naatosompəyolaŋa (137). ¹⁷ Keesəŋ pəyalaa nté Lipini na Simeyi, pələyele Keesəŋ ləluyu loosi nyóma cəsənaa. ¹⁸ Kehati ílé ι pəyalaa nté, Aməlam, na Isaa, na Hepələŋ, na Usiyeli. Kehati ləluyu pusi nté nunuwa na hiu na naanuwa na tooso (133). ¹⁹ Melali ílé ι pəyalaa nté Malii na Musi. Pələyele Lefii nyóma ləlŋ loosi nyóma cəsənaa.

²⁰ Aməlam ílé ι kpaŋa ι caa neu Yəkəpeti ké na í ləl-ι apalpiya ke naale, Aləŋ na Moisi. Aməlam inι ι ləluyu pusi nté nunuwa na hiu na naanuwa na naatosompəyolaŋa (137).

²¹ Isakaa ílé ι pəyalaa nté Kolee, na Nekēfi, na Sikəli. ²² Usiyeli pəyalaa nté Mikayēli, na Ilisafəŋ, na Sitili.

²³ Aminatari pələl Ilisepa wei ι ké Nasəŋ neu təyə Aləŋ kpaŋaa na í ləl Natari, na Apihu, na Ilaŋaa, na Itamaa.

²⁴ Kolee ílé ι pəyalaa nté Asii, na Ulikana, na Apiyasafi. Pələyele Kolee ləluyu loosi nyóma cəsənaa.

²⁵ Putiyeli pələl nəyəl ke Aləŋ pəyalu Ilaŋaa ná kpaŋaa na ílé í ləl Pəŋhasi.

Lefii ləluyu nyóma loosi nyóma cəsənaa həla nté.

²⁶ Na Aləŋ na Moisi mpeye Taca təma si pá ləsi Iseyeli nyóma ke Icipiti taa ké nəyə kulumaŋa. ²⁷ Mpe

un pa teləsəna Icipiti wulav ke nti Iso yəɣətəa si í yele Iseyeli nyóma na pá lu i tetv taa tə.

Iso Ieləyi nəɣə ŋka i ka su Moisi tə

²⁸ Mpróɣú kuyaku nakuli Iso yəɣətəna Moisi ke Icipiti tetv taa na í heeli-i si: ²⁹ Ma ké Tacaa ké, polo ŋ heeli Icipiti wulav ke tə təna nti ma yəɣətəna ma nəɣə tə.

³⁰ Mpruyəle Moisi cə-i si: Icipiti wulav kaa nuna-m. Mpi tə, ma ta nyi yəɣətəɣa ke paa pəcə pəcə.

7

¹ Mpróɣú Tacaa heela Moisi si: Maa tu-ŋ toŋ səsəŋ na ŋ pəsi isu Iso ké Icipiti wulav isentaa na Aləŋ náá teləsəyi-i nyá təm. ² N ká keesi Aləŋ ke tə təna nti máá heeli-ŋ tə, na ílé í teləsi-təyi Icipiti wulav si í yele Iseyeli nyóma na pá lu i tetv taa. ³ Paa na mpv tə, maa la Icipiti wulav ke laŋkpusəŋ. Paa na piti təma na kuhuləm mpi pə təna maa la Icipiti taa tə, ⁴ i kaa nuna-me. Hal waatu inəyi maa nyəŋsi Icipiti nyóma ise ke teu ke isəna pə wee tə. Uena má ləsi ma yəlaa Iseyeli nyóma ke nəɣə kuləmaɣa ke tetv tənə tə taa. ⁵ Saa inəyi pu ce Icipiti nyóma isentəə na pá nyí si ma ké Tacaa.

⁶ Mpróɣú Moisi na Aləŋ pa lapa teitei isu Tacaa ka heeluyə-we tə. ⁷ Waatu wei pa yəɣətəɣana wulav ke mpv tə, Moisi pusi ka we nunaasa na Aləŋ nyənsi ke nunaasa na tooso.

Icipiti wulav kisa Moisi na Aləŋ ke nunav

⁸ Mpróɣú Iso Tacaa heela Moisi na Aləŋ si: ⁹ Ye Icipiti wulav təma-me si í la piti təmle natəli, íle Moisi heeli Aləŋ si í peti i kprátúɣú ke ateyə wulav isentaa, na ku pəsi tum.

10 Tənaɣa Moisi na Aləŋ pa tɛɛwa na pá lá teitei isu Iso Tacaa keesuyu-we tɔ. Aləŋ pɛta ɪ kɔ́átóyú ke ateyɛ Icipiti wulav na ɪ waali nyóma pa isentaa na kú pəsi tɔm. 11 Ḿróyú wulav kɔta Icipiti tɔwaa na pə topotopo nyóma na pɛle pá lá mpv tətɔ, na pa topotopotv taa. 12 Pa təna pa pɛta pa kɔratəŋ ke atɛ na í pəsi tɔmaa. Tənaɣa Aləŋ kɔ́átóyú tɔm kulaa na í li pane pa nyəŋ tɔmaa təna. 13 Paa na mpv Icipiti wulav lapa lanɔkɔusəŋ na í kisi nti Moisi na Aləŋ pa pola-ɪ sələmvuyv tɔɣɔ teitei isu Tacaa ka yɔɣətuyv tɔ.

Wahala kancaalaya nyəŋ

14 Ḿróyú Iso Tacaa tɔma Moisi si: Ntəŋ Icipiti wulav kama nyuyv ke ɪ lanɔkɔusəŋ taa na í kisi lseyeli nyóma ke yeluyv si pá tɛɛ yɛɛ? 15 Tɔv, cele kv fema n lu ləŋ na ń kɔɔa nyá kɔ́átóyú ŋku kv pəsa tɔm tɔ, na ń polo ɪ tɛɛ saa wei ɪ tiiki pɔɣɔ tɔ, na ń tan-ɪ kvten tɔ. 16 Ulena ń heeli-ɪ si: Hɛpəla nyóma tá, tá Iso Tacaa tilina-m si má heeli-ŋ si ń yele ɪ yəlaa na pá polo poolvŋ na pá sɛɛ-ɪ, na haləna saŋa nyaa saŋ. 17 Pə tɔ kɛ Tacaa si má teləsi-ŋ si n tɔma si n ta nyəmi-ɪ tɔ pənɛntaa kɛ n ká nyəmi-ɪ. Kɔ́átóyú kvneyɛ maa ma Nili pɔɣɔ lvm tɔ, ulena Iso yelev na pə təna pə pəsi caləm, 18 na tiina sí na lvm səŋ na halɪ Icipiti nyóma kpisi pə nyɔv.

19 Ḿróyú Tacaa tasa Moisi ke heeluyv si: Heeli Aləŋ si kɔɔa nyá kɔ́átóyú na ń hólí-kuyv Icipiti nyóma lvm təkɔpentɛnaa na pusi na ləŋ pə tɔ na pə kɔɔəna lɔcayamnaa na tɔŋ na kɔkɔɔaməŋ pə pəŋ taa lvmnaa, na pə pəsi caləm. Waatv inɪ caləm ká waasi tɛtv təna tɔpai.

20 Ḿróyú Aləŋ kusa kɔ́átóyú na í má pɔɣɔ lvm tɔ isu Tacaa ka keesuyv-we tɔɣɔ Icipiti wulav na ɪ waali

nyéma pa isentaa, na lum tēna pəsi caləm. ²¹ Uena pəχə tēna tiina sí, na ka lum səŋ haləna Icipiti nyéma kpisi pə nyəəu. Na paa timpriyi n tala tetə tēna taa caləm waasəna.

²² Mpyóyó Icipiti tūwaa lapa teitei isu Moisi-we na pa topotopotu taa. Uena Icipiti wulav la laŋkpusəŋ isu Tacaa ka tem yəχətuyu tə, na í kisi nəχə ŋka paa sələma-i tə. ²³ I ta kpaŋa-ti na í yaa pulv. Uena í ha lumaya na í suv i təyaya. ²⁴ Tənya Icipiti nyéma tēna suv hila laasuyu na pá maləxi pəχə si pá hiki lum kunyənəəm. Mpi tə, pəχə nyəm taa fəi nyəəu.

²⁵ Kuyeyəŋ naatosompəχəlaya təcu ké lum pəsa caləm.

Wahala naale nyəŋ

²⁶ Pə waali ké Tacaa təma Moisi si: Polo Icipiti wulav kiŋ na ŋ heeli-i si yele ma yəlaa na pá polo pá la-m təmle. ²⁷ Ye n kisa mpv maa yele na saləe lu nyá tetə tēna taa. ²⁸ A ká huki təyomyom ke pəχə taa. Uena á kpa na á suv wulav nyá nyá kawulaya təyaya taa, na nyá naŋ kvhəntuyu taa. A ká kpa nyá kato təə mayamaya. A ká suv tətəχə nyá waali nyéma tēsı taa na samaa nyənsı taa na tətəsəle na mutv tiisi taa tətə. ²⁹ Halı a ká kpa Icipiti wulav nyá nyá mayamaya nyá təə, na samaa tēna təə, na pə kpeŋna təmle nyéma təə tətə.

8

¹ Mpyóyó Tacaa tasa Moisi ke heeluyu tətə si heeli Aləŋ si: Hólí nyá kpátúyó na pusi na ləŋ na lucayamnaa təə na saləe lu Icipiti.

² Aləŋ ná húlá i kpátúyó ke mpv, uena saləe lu Icipiti lumnaa taa na á waası tetə tēna. ³ Mpyóyó Icipiti tūwaa ná lapa mpv na pa topotopotu taa tətə, na saləe lu na á

kpa tetv tēna taa. ⁴ Ntēna Icipiti wulav yaa Moisi na Aləŋ na í tə-we si: ɪ wiina Tacaa na í hatələna salɛɛ anəŋi má na má yəlaa. Pə waali ɪle maa yelee ɪseyeli nyóma na pá polo pá lá ɪsə ké kətasi.

⁵ Tənaɣale Moisi cə Icipiti wulav si: Ta caa, ləsi nyá mayamaɣa ke saa wei n sɔlaa si má sələmi ɪsə ké mə tɔə na í kú salɛɛ ke nyana nyá samaa na nyá təmle nyóma mə tɛɛsi taa na á məli pəŋə taa tike tɔ. ⁶ Kɛlena wulav si: Cele ke ma caaki si ń sələmi ɪsə. Ntēna Moisi si: Təv, pə we teu. Maa la mpv, ɪlena pécó ń cəkəna si tá ɪsə Tacaa feina saala. ⁷ Pəpətv fei lelen, salɛɛ ká lu nyana nyá samaa na nyá təmle nyóma mə tɛɛsi taa na á məli pəŋə taa tike.

⁸ Ḿpúgú Moisi na Aləŋ pa lu Icipiti wulav té. ɪlena Moisi sələmi ɪsə ké salɛɛ anɪ a tɔə. ⁹ ɪlena Tacaa la ɪsu ɪ sələmvɔv tɔ, na salɛɛ si tɛɛsi taa na taasi tɔə na tawa taa. ¹⁰ Ḿpúgú pa kota-yɛɣe huwa huwa. ɪlena ɪcate təna səŋ pə fei teu.

¹¹ Icipiti wulav nawa si ɪ wahala pasaa, ɪlena í lá laŋkpusəŋ na í kisi Moisi na Aləŋ ke nunaɪv ke teitei ɪsu Tacaa ka yəŋətvɔv tɔ.

Wahala tooso nyəŋ

¹² Ḿpúgú Tacaa təma Moisi si heeli Aləŋ si: Ma nyá kpátóyú ke tetv tɔə, na mvsɔvɔv pəsi pətv na tɔ kpa Icipiti tetv təna taa.

¹³ Ntēna Moisi na Aləŋ pá lá teitei ɪsu Tacaa heela-we tɔ. ɪlena mvsɔvɔv pəsi pətv na tɔ waasi yəlaa na tɔla pa tɔə ké tetv təna taa. ¹⁴ ɪlena Icipiti tɔwaa mayasi ɪsu paa la mpv na pa topotopotv taa na pá kpisi. Na pətv náá we tɔla na yəlaa pa tɔə. ¹⁵ Tənaɣale tɔwaa heela Icipiti wulav si: ɪsə mpəle ke cəne inəŋi yoo.

Paa na mpv Icipiti wulav tōka ɪ lanʒkpusəŋ na í kisi Moisi na Aləŋ ke nunav ke teitei isu Tacaa ka yəŋətuyv tō.

Wahala liyiti nyəŋ

¹⁶ Ḿpóyú Tacaa heela Moisi si: Cele kvlɪ ləŋ ke tanəŋ kupaŋkv tɛɛ, na ń katɪ Icipiti wulav ke waatv wei ɪ tiiki pəŋv tō na ń heeli-ɪ si Tacaa má, ma tōma si yelee ma yəlaa na pá polo pá la-m təmle. ¹⁷ Ye n kisaa si n kaa yelee-we, ɪle ma yelee na kacəsi kɔnaasasi nasəli si lu na sí sú Icipiti nyəma tɛɛsi taa ké tetv təna taa, na sí nyasəŋi nyana yəlaa na nyá təmle nyəma təna. ¹⁸ Ama kacəsi nsi si kaa wiili Kosəŋ tetv taa timpi ma yəlaa weɛ tō. Tənaŋa Icipiti wulav ka nyəna si Tacaa má, ma we Icipiti taa cəne. ¹⁹ Maa kenti mə tōw ké kprantɛ ke cele, na í kaa na wahala ɪne.

²⁰ Ḿpóyú Tacaa yelaa na kacəsi konyasasi nasəli lu tuutuuma na sí watɪ Icipiti wulav na ɪ təmle nyəma pa tɛɛsi taa, na sí wakəli tetv təna. ²¹ Tənaŋale Icipiti wulav yaa Moisi na Aləŋ na í tō-we si: ɪ polo í lá mə ləw ké kətasi. ɪle Icipiti tetv taa ké pə weɛ si í la-si. ²² Kɛlena Moisi na Aləŋ pa cə si: Tə kaa la-səŋi cəne. Mpi tō, Icipiti nyəma ká nyəni-səŋi acaalətv na pá yəŋa-tuyv pɛɛ. ²³ Pə weɛ ké si tó tō kuyɛɛŋ tooso na tó polo pooluŋ. ɪlena tó lá tá ləw Tacaa ke kətasi isu ɪ ka heeluyv-tv tō. ²⁴ Ntəna Icipiti wulav si: Maa yelee na í polo. ɪle í taa hatəli pooluŋ ké. Aayee si, í sələməna-m.

²⁵ Mpuɣule Moisi nəŋv təkpaɪ si: Ye ma lu cəne, maa sələmɪ Tacaa na cele ɪ ká hatələna nyá na nyá təmle nyəma na nyá yəlaa ke kacəsi sənɛ. Ama kvlɔmtv ké si ń taa nɛɛti-tv na ń tayanɪ lɛɣeli nyəma taya tanuyv si tə taa polo na tə lá ləw ké kətasi.

26 Moisi lu Icipiti wulav té ilena í sələmi Tacaa,
 27 na ílé ı ləsi kacəsi təna na sí yele Icipiti wulav na
 ı təmlə nyəma na ı yəlaa, pə ta səə paa kələmaya.
 28 Mprúyú Icipiti wulav lapa lan̄kpusəŋ tətə na í kisi
 sı lseɣeli nyəma í taa lu.

9

Wahala kakpası nyəŋ

1 Mprúyú Tacaa təma Moisi sı: Polo Icipiti wulav
 kin̄ na ń heeli-ı sı Hepəla nyəma Iso Tacaa má, ma
 təma sı yele ma yəlaa na pá polo pá la-m təmlə.
 2 Ye n wεε na n kisiyi na n kan̄ nyuɣu na ń tan̄əxi-
 wεɣe mpv, 3 maa yele na kusəku isayav nakvli kv kra
 Icipiti nyəma təla, na kú kv kraɣanəŋ na kraŋası na
 yooyooŋaa, na naaŋ, na heeŋ, na pəŋ. 4 Ama Tacaa
 ká faɣası lseɣeli nyəma nyəna na a taa natəli nyuɣu
 kaa holi-te.

5 Pəle pə paası ilena Iso Tacaa sı sı cele ke ını ı ka
 la kəkələ in̄əyi Icipiti taa.

6 Tεv fema ilena Tacaa yele na kusəku nan̄ Icipiti
 nyəma təla tənaya kəpampəle ısu ı ka yəɣətɣu tə.
 Ama lseɣeli nyəma nyəna taa natəli tə nyuɣu ta holi-
 te. 7 Mprúyú Icipiti wulav pəəsaa na í nu sı lseɣeli
 nyəma təla taa natəli tə ta sí. Paa na mpv pəle pə ta
 lapı-ı pulv. ı kama nyuɣu ke ı lan̄kpusəŋ taa na í kisi
 Iso yəlaa ke yeluyı sı pá tεε.

Wahala naatoso nyəŋ

8 Pə waalı ke Tacaa tasa Moisi na Aləŋ ke heeluyı
 tətə sı: ı cosi məsaya taa tələma ke mə ŋkulee taa.
 İlena í polo wulav té, na Moisi ŋmusı-yεɣe ıətəaa na
 Icipiti wulav nyənəyi. 9 A ká yá tetv təna taa na á ləl
 yəlaa na təla ke mɔla naalı, na á pəsi səmola.

10 Μρυγυλε Moisi na Aləη pa cosa təluma, ləna pá polo wulav te na Moisi ημυσι-yeγε ισətaa, na á ləli yəlaa na təla ke mola na á pəsi səmola. 11 Mola anı a kpenna Icipiti tɔwaa tətəγə na á kpa-weγε teitei isu yəlaa təna. Haləna pa kpisi Moisi-weγε kpətənav. 12 Μρύγυ Tacaa yelaa na Icipiti wulav səəsi nyuyɔ kam ke ı lankpυsəη taa na í kisi Moisi na Aləη ke nunav ke teitei isu ı ka heeluyɔ Moisi tə.

Wahala naatosompəγəlaya nyəη

13 Μρύγυ Tacaa heela Moisi sı: Cele kuli ləη ke tanəη kupaηku tee na η mayana Icipiti wulav na η heeli-ı sı Hepəla nyəma Isə Tacaa má, ma təma sı: Yele ma yəlaa na pá polo pa la-m təmlə. 14 Ama pənəntaa ma tɔ ma taa ké sı maa la wahalanaa mpe pa tənaya nyana nyá təmlə nyəma na nyá yəlaa. ləna pəcə́ η nyí sı nəγəlv ta nəγəsəna-m antulinya təna taa. 15 Ye maa səəlaa maa kuwa nyana nyá yəlaa na yulokvsəku na í saalı yem ké tetɔ taa. 16 Ama ma yelə-η na nyá ise ke mρύγυ sı η nyí sı ma wena toη. ləna ma hətə səəsi yaav ke tetɔ təna taa. 17 Paa na mpv, n weε na η həη nyá tı na η kisiyi sı ma yəlaa í taa tee. 18 Pə təə ké cele isəntə waatɔ, maa yele na təmpεε tɔv ηku too Icipiti tɔ nəγəlv ta nata tə kú nu. 19 Mpυ tə, kpeγeli nyá təla na η cəəsi-yeγε tiili. Ye yəlaa na təla pa caya taale ke yem na pa ta cəəsi, təmpεε ká ku-we.

20 Wulav təmlə nyəma taa ləlaa mv Tacaa təm ntəyi niη naale, na pá heeli pa təmlə nyəma sı pa na təla pá cəəsi timpi təmpεε anı a kaa na-we tə. 21 Ama ləlaa ná tá nyana Tacaa təm ntı na pá yele pa təmlə nyəma na pa təla ke tawa taa.

²² Pə waali ké Tacaa heela Moisi si: Hóli nyá kprátúyó na isətaa na təmpuŋ hoti Icipiti tetu yəlaa na təla təə na pa tawa taa kəhaləm təna taa.

²³ Moisi kpaasa ɪ kprátúyó na isətaa ke mpv, ilena Tacaa yeke na tev holiyi na kó nasəyi kraŋŋ kraŋŋ. Ilena təmpuŋ lukəna isə na í hotiyi tetu təna təə.

²⁴ Hatoo pə caaluyv Icipiti tetu ke suw tə nəyəlɔ ta nata təmpuŋ ɪni ɪ taka na pə tev nyəyəsuyv ke mpv.

²⁵ Mpróyó təmpuŋ wakəla pə təna mpi pu we tawa taa tə, paa yəlaa paa təla. Pə kaasi na á puɣuti kəhaləm na á caati tuŋ ke yem yem. ²⁶ Kusəŋ timpɪ lseyeli nyəma wee tə təna tike ke təmpuŋ ta cətəli pɔlv. ²⁷ Tənyale Icipiti wulav yáá Moisi na Aləŋ na í heeli-we si: Pənentə má lapəna isayatu. Má na ma yəlaa nté tasəkəle nyəma. Isə tike nté tampana təŋlv. ²⁸ Hai, í wiina Isə na təmpɛe heesi mpv. Maa yeke-me na í tee, maa tasəyi-meɣe təŋuyv.

²⁹ Tənyale Moisi nəyɔ təkpaɔ si: Ye ma luwa ɪcate waali maa teɣe Isə ké niŋ na tev hola na kv təmpɛe heesi. Ilena pə́cɔ́ n̄ cəkəna si Tacaa tənna antulinya təna. ³⁰ Pəna pə mpv tə, ma naa ké si nyana nyá yəlaa í seeki Isə ké acəsaaCESaa sewa ké, í tá té mə taa.

³¹ Waatu wei təmpɛe kəma mpv tə a sulina pa té kponkpontu toŋ nyəntv nti pa yaa si leŋ tə tə hetv tuyv, na pa təyənaya pee nyəŋka tuluyv nté, na á wakəli-ye. ³² Ama pə kaasa pa təyənasi lensənaa tə pə ta wakəli səle. Mpi tə, səle si taa kuləta saa ɪni.

³³ Moisi luwa ɪcate waali ilena í teɣe Isə ké niŋ na í wiina-ɪ təmpɛe anɪ a təm. Ilena tev na kv hola na təmpɛe pə́ té.

³⁴ Icipiti wulav paasənaa si pə təna pə heewa ilena í na ɪ təmle nyəma pá məli pa nyəŋ ɪni ɪ taa isu too

ile. ³⁵ M̄p̄ȳḡ pa kisaa t̄sayaṣaya si m̄pe pa kaa yele Iseyeli nȳṁma na pá lu tet̄v̄ taa ké teitei is̄u Tacaa ka heeluyu Moisi t̄o.

10

Wahala p̄alefei nȳṁ

¹ M̄p̄ȳḡ Tacaa t̄ma Moisi si: M̄eli Icipiti wulav té, má yelina si í na i t̄mle nȳṁma pá la lan̄kpus̄ṁ ke m̄pu na má lá k̄k̄w̄l̄ nȳṁm̄ t̄na na pá ná. ² Ma lapa m̄p̄ȳḡ si n̄ ká keesi nȳá piya na nȳá saal̄naa ke is̄ena ma lapa Icipiti taa ké k̄k̄w̄l̄ nȳṁm̄ t̄o. T̄naya í ká nȳena si ma ké Tacaa.

³ M̄p̄ȳḡ Moisi na Al̄ṁ pa pola Icipiti wulav té na pá heeli-i si: Hep̄ela nȳṁma t̄á, t̄á Is̄o Tacaa t̄ma-tu si t̄ó k̄w̄ t̄ó p̄w̄si-ṁ si p̄lee ké n̄ ká l̄ nȳá lan̄kpus̄ṁ na ṁ yele i ȳlaa na pá polo pá lapi-i t̄mle? ⁴ Ye n̄ kama nȳȳv̄ ke p̄ taa, cele i ká k̄na kutolon̄ ke nȳá tet̄v̄ t̄na taa. ⁵ Ku w̄áasi tet̄v̄ t̄w̄w̄isiw̄isi, na kú kuyuli k̄nȳṁnȳṁm̄ na t̄uṁ wei t̄mp̄ee ka f̄ewa t̄o. ⁶ Kutolon̄ ká maṁali nyana nȳá t̄mle nȳṁma na Icipiti nȳṁma t̄na t̄esi taa t̄p̄amp̄am. Too t̄o, nȳá caanaa na p̄ele pa caanaa ta keesita k̄k̄w̄l̄ in̄ i taka hal̄na saṁa.

Moisi t̄ma m̄pu ilena í lu Icipiti wulav té.

⁷ Icipiti wulav t̄mle nȳṁma kotaa na pá t̄mi-i si: Ta caa, yulv̄ in̄e i ka c̄w̄si-tu yoo. P̄ t̄w̄ t̄o, yele-we na pá polo pá lá pa Is̄o Tacaa ke t̄mle. Ye p̄ t̄aya m̄pu Icipiti nȳṁma t̄na ká si.

⁸ T̄nayaṁle pa t̄ayana Moisi na Al̄ṁ ke yaav̄ ke Icipiti wulav té na íle i heeli-we si: I polo í lá m̄ Is̄o Tacaa ke t̄mle. I taa i taa ile si: Awe na awe paa pona?

⁹ Ntɛna Moisi si: Ta tɛna tu pona. Pɛ kpaɣav ifepiya na tá kukpatɛlaa na tá pɛyalaa na tá pɛɛlaa tɔ. Na tɛ kpeɲna tá tɔla tɛna. Mpi tɔ, Tacaac acima ke tɛ puki tɔɣɔv.

¹⁰ Mpuɣɛ Icipiti wulav pɛsɛna-wɛ si: Mɛ taa si maa yeɛ mɛ na mɛ piya na í tɛɛ yɛɛ? Isɔ í si-mɛ yaa. Ma nyɛmá mɛ taa layatv kɛ tɛ. ¹¹ Pɛ kaa la mpv. Apalaa mɛ, mɛ tike í ká pona na í lá mɛ Isɔ kɛ tɛmlɛ. Mpi i ka sɛlɛmi tɔɣɛɛ.

Uɛna pá tɔɣɔni Moisi na Alɔɲ ke Icipiti wulav tɛ, na pɛɛ pá lu.

¹² Tɛnaɣa Tacaac tɔma Moisi si: Hólí nyá kpatýɣɔ ke Icipiti tɛtv tɔɔ na kutolon lu na kv wáási-ti na kú tɔɣɔ kvnyɔnyɔm tɛna mpi tɔmpɛɛ ka fɛɛwa tɔ.

¹³ Mpuɣɔ Moisi hula i kpatýɣɔ ke Icipiti tɛtv tɛna tɔɔ. Uɛna Tacaac yeɛ na heelim luna tɛv kite na pɛ má ilim mpi na ahoɔ tɛna. Pɛ kɔma na pɛ nyaali ulɛ kutolon tapayalɛ. ¹⁴ Kv kɔma tuutuuma kɛ, na kv wáási tɛtv tɛna tɔɔ. Tɔɔ tɔ, pa ta nata kutolon isv mpv pɛ taka. Pɛcɔ pa kaa tasa kv taka kɛ nav tɔtɔ. ¹⁵ Kv waasa tɛtv tɛnaɣa na tɛ mɛli pilin, na kú tɔɣɔ nyutu na tɔɲ wei tɔmpɛɛ ka yɛlaa tɔ i pɛɛ tɛna. Pɛ ta sɔɔ tɔɣv nakvli kv hatv yaa nyuliya.

¹⁶ Mpuɣɔ Icipiti wulav yaa Moisi na Alɔɲ ke lɔɲ na í heeli-wɛ si: Ma wakɛlɛna mɛ Isɔ Tacaac na mɛ mayamaya tɔtɔ. ¹⁷ Hai, ma wiikina-mɛ si í tasa-m suulu hulvɣv kɛ tɔm kvlɔm. I sɛlɛmi mɛ Isɔ si í hatɛlɛna-m sɛm pɛnɛ.

¹⁸ Moisi lu Icipiti wulav tɛ uɛna í wiina Isɔ kɛ kutolon tɔm. ¹⁹ Mpuɣɔ Tacaac kɛɛ heelim na pɛ makɛna tɔɲ na ilim tɛtv tɔɔ na pɛ paali kutolon na pɛ pɛli kv tɛnaɣa sɛsɛncaasi tɛɲku taa. Pɛ ta sɔɔ paa

kulomuyu ke Icipiti tetu taa. ²⁰ M'p'og'og' Tacaα tu Icipiti wulau ke lan'kp'usəŋ na i kisi si Iseyeli nyəma i taa tee.

Wahala pəɣolayafei nyəŋ

²¹ M'p'og'og' Tacaα heela Moisi si: Kusi nyá k'p'at'og'og' na isətaa na səkp'etuyu taa səkp'etuyu nyala Icipiti tetu təna taa. Haləna yəlaa tokiyiŋa-kv.

²² Moisi kusa-kuyu mpu ilena səkp'etuyu yuŋ nyəŋku nakuli kv nyala Icipiti tetu təna taa ké kuyeyəŋ tooso təcu. ²³ Kuyeyəŋ tooso in i taa nəɣolv ta keesi i təɣəntəle. Pəyele nəɣolv ta layasi lonte. Ama kv taa fei Iseyeli nyəma həɣolvu. ²⁴ M'p'og'og' Icipiti wulau yáá Moisi na i heeli-i si: Maa yele-me na i polo i see mə lə isu i sələmuyv tə. Na i tu nəkaa i kp'enna mə alaa na mə piya. Ama mə tala tike kaa luna həm. ²⁵ M'p'uyule Moisi si: Ulena n cəle-tuyv tala nna tu la Tacaα ke kətaya ŋka kəkə lusa ka təna tə na ciikuyv nyənsi na? ²⁶ Pə wəe ké si tə kp'aya ta tala təna, tə kaa sə hontuyv. Tu tala təna təɣv tu nyi tala isəna, na nna á taka tá lə caa si tə lap'i-i kətaya tə. ²⁷ Ulena Tacaα tasa Icipiti wulau ke lan'kp'usəŋ ke tuyv na i kisi si Iseyeli nyəma i taa tee. ²⁸ Haləna i təɣvni Moisi ke kv təɣvnu si i lu in i te. Na i təmi-i si: La laakali, ye pə cəpa-ŋ na n tasa cəneye məlvuyv maa kv-ŋ. ²⁹ M'p'uyule Moisi si: Awusa, n tu yəɣətəa ké, maa tasəɣi məlvuyv.

11

Wahala kantəkaya nyəŋ

¹ M'p'uyule Tacaα heela Moisi si: Pə kaasa-m wahala kantəkaya nyəŋ. Pə waali ké paa yele-me na i tee. Hal i paa tu təɣvni-meɣe kv təɣvnu ké na i lu cəne. ² Mpu tə heeli Iseyeli nyəma apalaa na alaa si

πά σελήμη πα ασήμαα Icipiti nyóma κε wola na liyitee nyəxətu pə wontu.

³ Μρύγύ Τασαα lapa na Iseγeli nyóma κραγα Icipiti nyóma na nyuyv. Pécó pəle pə paasi, Moisi μαγαμαγα nyuyv ka kulaa ké, na Icipiti wulav təmle nyóma na Icipiti yəlaa təna tokayana-i.

⁴ Moisi ka tēma Icipiti wulav κε heeluyv si Τασαα təma si ι κά cəə Icipiti tetv təə κε ahoο heka ⁵ na tetv taa kancaalaya piya təna κά si. Pə κραγav wulav nyá, nyá pəyaya kancaalaya nyəhka na pə polo yom alv nyəh wei ι nanəxi tə ι kancaalaya pəyaya, na pə κρηνα tala nyənsi. ⁶ Na yəlaa ka wii ləyaya wula wena too nəxəlv ta wiita tə. Pəyele nəxəlv kaa tu wii a taka tətə. ⁷ Ama pə kaasuyv Iseγeli nyóma həxəlvuyv taa tə, haya μαγαμαγα kaa tu kpesi. Tənyaya í κά nyəna si Τασαα μά, ma faki Icipiti nyóma na Iseγeli nyóma. ⁸ Uena Moisi tasa si: Waatu inəxi Icipiti wulav təmle nyóma pane pa təna paa kəə na pá luy ma tēe ké akula si má na ma yəlaa tə lu. Uena máa lu kpakpaa inι.

Pə waah ké Moisi luna pááná səsəəna κε Icipiti wulav te.

⁹ Μρυγυλε Τασαα tasa Moisi κε heeluyv si: Ye Icipiti wulav ta nuna-me, ile maa tasa kəkəlv nyəm payale lapv κε Icipiti tetv taa.

¹⁰ Pəyele Moisi na Aləh paa tēma-wəxi lapv κε təm payale na Icipiti wulav ná. Paa na mpv Iśə κά tv-i lahkrusəh ké, na í kisi si Iseγeli nyóma í taa lu.

12

Τεεν acima təyəv

¹ M̄p̄óyú Tacaá heela Moisi na Aləη ke Icipiti taa si:
² Isətu wei i taa í we isəntə tə, i ká wee-meγe pənaγa
 taa isətu kancaalaya nyəη kέ. ³ M̄pu tə, í polo na í
 heeli Iseyeli nyəma təna si paa təγaya yaa paa waav
 ηku kú caa iwəγaya yaa pinaya ke isətu inε i kuyeeη
 naanowa wule. ⁴ Ye waav nawa si ku kaa te krənte,
 ile ku na leηku pa kaa na pá nyí krənte nte paa təγə
 na pa te tə. ⁵ Iwəγaya yaa pinaya ηka paa caa tə,
 kaa wee apalv nyəηka ηka ka sika pənaγa kulvmaγa
 təγə, na ká tewa, ka tiili tá caami. ⁶ Na pə tala isətu
 kuyeeη naanowa na liyiti wule taanaya, ilena paa
 Iseyeli tv wei í lentv i krənte. ⁷ Ilena paa m̄pa pá lii pa
 krənte caləm na pá taa təγaya ηka ka taa paa təγə tə
 ka nənəkelaasi kampv kpatəη tə na isətaa tə. ⁸⁻⁹ Pa
 wosəγi krənte tənaya. Pə kpaγav nyuyv na nəηkraasi
 na lotu tə. Pá taa təγə-ti na tə leη yaa pá təsi-ti. Pá
 təγə-ti na potopotonaa m̄pa pa taa kəkvsom fei tə, na
 tuusi hatv nyəη nyəntv. ¹⁰ Ye pa təγaa na pá kpisa
 mpi na pə fe-wi pa wə kəkə. ¹¹ Waatv wei pa təkí
 pə təγənaγa tə, na pá suu pa m̄paav wontu kέ, na pa
 ntaηkpala ke pa nəəhεε taa, na pa kpatəη ke pa niη
 taa, na pá təγə cavcav. M̄pi tə, pə kέ Tacaá Teev acima
 kέ.

¹² Ilena Tacaá tasa si: Saηa ahoο anεγe maa cə
 Icipiti tetv tə na má kú tə kancaalaya piya təna. Pə
 kpaγav yəlaa piya na pə polo təla nyəηsi tə. Pəyele
 maa kú Icipiti nyəma tuη təna nyəəη tənəηnaη. Ilena
 paa wei í nyí si má kəna Tacaá. ¹³ Pə kaasuyv Iseyeli
 nyəma me tə, mə kampvnaa tə caləm ká yvsəna mə
 teeεi. Ye ma na-wi ma tee mə tə. Isəna maa kenti mə
 tə na ma kaa wakəli-me isv Icipiti nyəma təγəle.

¹⁴ M̄p̄óyú Tacaá tasaa si: I ka təəsəγi kuyaku kune ku
 tə kέ paa pənaγa ηkaγa, na í laki-m acima səsəəna na

ι nyəni-yeyε kətaya ke mə waalı nyəma təə.

Kukusum fei potopotonaa acima

¹⁵ Kuyeyη naatosompəɣəlaya təcu ké í ká təɣə potopotonaa mpa pa taa kukusum fei tə pə acima. Mpu tə, pə kpaɣa kukusum fei potopotonaa acima kuyaku kancaalaya nyəŋku wule tə, pə fei si kukusum í wεε mə taa nəɣəlv təyaya taa. Ye nəɣəlv təɣə-wəɣi kuyeyη inɪ ι taa, isu pa kpiisa pɔntu ke lseyeli nyəma taa. ¹⁶ Í ká koti kuyaku kancaalaya nyəŋku na naatosompəɣəlaya nyəŋku wule ké na í sεε-m. Kuyəŋku tə, pə fei si í la təmle natəli. Ye pə taya mə təɣənasɪ saau paasi.

¹⁷ Paa pənaya ŋkaya ι ka təkɪ kukusum fei potopotonaa acima aneyε mə waalı nyəma təə. Na á pəsimeye kətaya ŋka kaa təəsimeyε kuyəŋku ma ləsameyε Icipiti tetu taa ke nəɣə kulɔmaya tə. ¹⁸ Í ká təkɪ kukusum fei potopotonaa ke isətu kancaalaya nyəŋ inɪ ι kuyaku naanɔwa na liyiti nyəŋku wule taanaya, na pə polo kuyaku hiu na kulɔmɔyɔ wule taanaya. ¹⁹⁻²⁰ Ye pə tala waatu inɪ pə fei si mə taa nəɣəlv í təɣə kukusum təɣənaɣa, yaa pə tu wεε pɔntu təyaya taa. Paa lseyeli tv yaa caɣəlv, isu pa kpiisa-ι mə taa.

Teev acima tayanvɔv

²¹⁻²² Mpyəy Moisi kota lseyeli nyvɔv nyəma na í heeli-wε si: Í polo í caa Teev acima iwεesi, yaa pinasi na í lentɪ-sɪ na í tiyisi caləm na í lii pə taa ké saŋ na í taa nənəɣə kampv kpatəŋ təə na isətaa təə. Ye pə tɛma mpv, nəɣəlv í taa tasa təyaya ŋke ka taa ké luw si ι puki tiili, haləna pə nyaalı. ²³ Mpi pə təə tə, Taca ka cəə Icipiti nyəma wakəlvɔv. Ile ye ι nawa caləm ke mə tɛsi kampvnaa kpatəŋ təə, ι kaa yele si wakəllv

í sũu sũ taa. ²⁴ Mə na mə waali nyóma í ká tókəna kətaya kaneyə tam tə. ²⁵ Paa waatu wei í ká sũu tetu nti Tacaa ha-me tə tə taa tə, í ká tóki-keye m̀p̀ỳỳ. ²⁶ Ye mə piya í p̀ə̀sa-me sũ pə nyũyũ suwe, ɪe ²⁷ í ká cə-we si: Tacaa Təev acima kətaya nté. Iseyeli nyóma tá, tu weu Icipiti taa təyə kuyaku nakuli Isə cə pa tetu taa na í wakəli-we. Ama ɪ tɛ t́ tə na í waasi-tv.

Iseyeli nyóma nu mpv, ɪlena pá luŋ na pá see Tacaa. ²⁸ Pa tema mpv, ɪlena pá tɛ na pá niki nti Tacaa ka heela Moisi na Aləŋ təyə lapv.

Wahala naanvwa nyəŋ

²⁹ Pə kəma ɪsu ahoo heka ɪlena Isə Tacaa kv Icipiti taa apalvpiya kancaalaya nyənsi təna. Haləna pə kpeŋna Icipiti wulav səsə apalvəyaya kancaalaya nyəŋka ŋka kaa lɛeti ɪ kawulaya kumte tə tə. Na pə polo saləka nyóma apalvpiya kancaalaya nyənsi, na təla kancaalaya piya apalv nyənsi tətə. ³⁰ Ahoo anɪ tə, Icipiti wulav na ɪ waali nyóma na Icipiti nyóma təna femaya na pá casəyi kapusi. Mpi tə, təyaya fei na ka taa laŋa sətv. ³¹ Tənya wulav yaa Moisi na Aləŋ ke ahoo anɪ na í tə-we si: Mə na mə Iseyeli yəlaa təna í lu ləŋ ke ma tetu taa na í tɛ. ɪ polo na í see Tacaa ɪsu í ka sələmvəy tə. ³² Paa mə təla í kpaya pə təna ɪsu í ka yəyətəy tə na í tɛ í fe-m. Ama í sələmɪ mə Isə ké si í koolu-m kəpantv.

³³ Icipiti nyóma ka tema pa taa ké si pa təna paa səna. Ntəna pá tuli Iseyeli nyóma ke kətulu si: ɪ lu ləŋ ke ta tetu taa. ³⁴ Pə mayamaya pə tə ké Iseyeli nyóma kpeŋna pa potopotonaa somtu na t́ ta nyəŋta na pá həkə tayaləŋ wei ɪ taa pa huɣutiɣi-we təyə pa kpainaa taa, na pá səyəli na pá tɛ.

³⁵ Μρύγύ Iseyeli nyóma lapa teitei isu Moisi ka heeluyu-we tó. Pa sáləma Icipiti nyóma ke wontu nti pa lupina wula na liyitee nyəgətv tó, na wontu kususutu. ³⁶ Μρύγύ Tacaalapa na pa nyugv tena Icipiti nyóma na pele pá cele-weye mpi mpi paa sáləma-we tó. Timpi Iseyeli nyóma kuuna Icipiti nyóma wənav təgəle.

³⁷ Iseyeli nyóma kula Lamsesi, ilena pá tee Sukəti, na pa taa apalaa ka we isu yəlaa iyisi nasətosə (600000) ke mpv. Alaa na kukpatəlaa na piya paasi.

³⁸ Pa luu mpv tó pə kpejina yəlaa mpa pa ta ke Iseyeli nyóma təgə tuutuuma ké na pá təj-we. Pə kaasi heej na pəj na naan kaləkəj taa fei nyənvugv. ³⁹ Pa lu mpaav ilena pá tú petepetasi ke pa somtu nti paa kpaɣana Icipiti na tó ta kpata tó. Mpi tó, Icipiti nyóma ka təgəna-weye kutəgənv ké. Pa taa yele si pa somtu í kpa. Pəyele pa taa kpaɣa mpaav təgənaɣa.

⁴⁰ Pusi nasəle na hiu na naanəwa (430) ke Iseyeli nyóma caɣa Icipiti taa. ⁴¹ Pə waali ké pa luwa nəgə kuləmaɣa. ⁴² Teitei isu Tacaalapa keeluyu i tom ke ahoə anu na í ləsi-we tó. Mpv tətəgə mpe na pa luləj paa keeliɣi pa tom ke i təə ké tam ké paa pənaɣa jka.

Teev acima təgəv kvsəsutv

⁴³ Μρύγύ Tacaalapa heela Moisi na Aləj si: Teev acima kvsəsutv ntə, pə fei si caɣalv wei i ta ke Iseyeli tv tó í təgə Teev acima təgənaɣa. ⁴⁴ Ye isu Iseyeli tv yapa piitim ləmpri tv ke yom na í peli-i i pəsəɣi na í təgə pə təgənaɣa. ⁴⁵ Pə fei si piitim ləmpri muulv yaa apaa tv í təgə pə təgənaɣa. ⁴⁶ Pə kaasi ilə, təɣaɣa jka ka taa pa wusa nantv nti təgə paa təgə-ti, pa kaa luna-təɣi awali. Pəyele pə fei si pá yəki kpənte nte pa kəwa mpv tó tə muwa. ⁴⁷ Pə wəe si Iseyeli nyóma təna təpai

ká tǝǝna Teev acima aní. ⁴⁸ Ye isu caǝalv nyulǝna sɪ ɪ ka tǝǝ Tacaa Teev acima aní, pǝ wɛɛ kɛ sɪ pǝ pɛlɪ í na ɪ tǝǝǝ taa apalvpiya tǝna na pǝcǝ. Uɛ ɪ pǝsa isu Iseǝelɪ tv ntɛ, ɪ pǝsǝǝɪ na í tǝǝ-ɪ. Tǝfǝ ye pa ta pɛlɪ wei, pǝ fɛɪ sɪ í kǝtǝna.

⁴⁹ Iseǝelɪ tv í ta pɛlɪ, í na caǝalv pa kiiu kulvmutv kɛ.

⁵⁰ Mǝpǝǝǝ Iseǝelɪ nyǝma lapa teitei isu Tacaa ka heeluvu Moisi na Alǝǝ tǝ. ⁵¹ Kuvaku ɲkv kv mavamaǝa kɛ Tacaa lǝsa Iseǝelɪ nyǝma kɛ Icipiti taa kɛ nǝǝ kulvmaǝa.

13

Teev acima tǝǝ kuvǝsutv lentǝnaa

¹ Mǝpǝǝǝ Tacaa yǝǝ Moisi na í tǝmɪ-ɪ sɪ: ² Iseǝelɪ taa kǝncaalǝa apalvpiya tǝna kɛ ma nyǝnsɪ kɛ. Pǝ kǝpǝǝv yǝlaa piya na pǝ polo tǝla nyǝnsɪ tǝ, má tǝnna-sɪ. ɪ nyǝnǝǝɪ-sǝǝɪ ma nyǝm.

³ Ntǝna Moisi heeli samaa sɪ: Pǝ fɛɪ sɪ í sǝǝ kuvaku kvne ɪnɪ kv tǝǝ yoo. Mpi tǝ, kv wule kɛ Tacaa lǝsa-tv na tǝǝ sǝsǝǝǝ kɛ tá yomle taa kɛ Icipiti tetv taa. Mpv tǝ, ye í tǝsǝǝǝ kuvaku kvne ɪnɪ kv tǝǝ í taa tǝǝ potopoto wei ɪ taa wɛ kuvvsum tǝ. ⁴ Isǝtv wei pa yaa sɪ Apiipi tǝ, ɪ kuvaku kǝncaalǝa nyǝɲkv wule kɛ í luwa. ⁵ Waatv wei í kǝ svv Kanaaǝ, na Hiti, na Amolii, na Hifi, na Yepusi pǝ nyǝma tetv nti tǝ taa tǝǝnǝǝa tǝla tǝhǝ tǝ. Tetv ntǝǝɪ Tacaa ka yǝǝtǝna tuunav sɪ ɪ kǝ ha mǝna mǝ caanaa. Uɛ paa pǝnǝǝa ɲkǝǝa í kǝ tǝkɪ Teev acima kɛ isǝtv ɪnɛ ɪ taa. ⁶ Kuvɛɛɲ naatosompǝǝǝǝǝa kɛ í kǝ tǝǝ kuvvsum fɛɪ potopotonaa. Naatosompǝǝǝǝǝa nyǝɲkv wule ɪnɛna í sɛɛ Tacaa. ⁷ Pǝ fɛɪ sɪ pǝ tu keesi kuvvsum kɛ mǝ taa nǝǝlv ɪ tɛɛɛ kuvɛɛɲ ɪnɪ ɪ taa kɛ mǝ tetv tǝna taa.

Halı ńpúyú pu la pə potopoto. ⁸ Ye í kəma na í təkı acıma anı, í keesı mə piya sı mpi Tacaa lapa-meye kuyayku í lu Icipiti tə, pə təw kéké í təkı-ye. ⁹ Í ká təkı Teyu acıma anəyi sı pə təwəyi-meye kuyaku kune inı ku təw kéké teitei isı kuyusum mpi í tenj mə tokuj na í tamsəyi mə ńkpalası taa, sı pə təwəyi-me, na í kaləyi Tacaa kusəsutu ke tam na í nyı-tı tə. Teyu acıma təyuu mpi pu təwəyəna-me sı Tacaa ləsəna-meye Icipiti taa na ı ton səsəw. ¹⁰ Paa pənaya ńka, ye pə isətu í luwa, í lakı nti inı ma tu-meye isəntə tə.

¹¹ ńpúyú Moisi tasaa tətə sı: Ye pə kəma na Tacaa tana-tuyv Kanaay tetv nti ı ka yəyətəna tuunav sı ı ká ha tá na tá caanaa tə. ¹² İle tu ha-ı apalıpiya kancaalaya nyənsı təna. Paa təla kancaalaya piya apalı nyənsı təna, inı ı tənna-sı. ¹³ Ye kpaŋaya kancaalaya pəyaya apalınyəŋka, ıle í layası-ke na ıwəyaya yaa pınaya, yaa í mələntı ka luyv na ká sı. Ye pə kaasa yulv kancaalaya pəyaya apalınyəŋka ıle í layası-ke na ıwəyaya. ¹⁴ Ye kuyaku nakulı mə piya pəwəsa-me sı pepe təw kéké í lakı mpv. İle ı cə-we sı: Tu we isı yomaa ke Icipiti kéké, ılena İwə ləsi-tv na ı ton səsəw. ¹⁵ Halı pə təm taa, Icipiti wulav kisaa kéké təsəyasaya sı tətə taa nyəyələna tiili. İlena İwə náá kú Icipiti nyəma apalıpiya kancaalaya nyənsı təna, na pə kpenna təla nyənsı təna. Pə təw məyamaya ke pə wee sı tətə lakı kətasi ke kancaalaya piya apalı nyənsı təna. Ama ye yəlaa nyənsı ıle, təla ke tə layasəyəna. ¹⁶ Kətasi nsı sı təwəyəna-tuyv nti inı Tacaa tu-tuyv isəntə təyuu teitei isı kuyusum mpi tu tenj tá tokuj na tətə tamsəyi tá ńkpalası taa tə. Pə tənaya mpv pu təwəyəna-tv sı Tacaa ləsəna-tuyv Icipiti taa na ı ton səsəw.

İwə huluyv ke ı yəlaa ke mpaav

17 Waatu wei Icipiti wulav yela Iseyeli nyóma na pá tu mpaav tɔ, Iso tá tisi si pá tɔŋ Metitelanee tenku mpaav, na pá fayana Filiisi nyóma tetu taa. Paa na ku topilaa tɔ. I lapa rípyú si pá taa kɔɔ na Filiisi nyóma lu pa tɔɔ na sɔɔntu kra-we na pá cuki pa taa na pá mɛli Icipiti. 18 Pɔ tɔɔ kɛ Iso yelaa na pá kee na pá fayana wɔlaya tetu taa na pá polo pá lu sɛsɛncaasi tenku. Iseyeli nyóma mpe pa ta lu yem yem. Pa lu nɔɔ kɔlɔmaga kɛ. 19 Pa lukaya mpɔ ulɛna Moisi kuu Yosɛfv mɔwa na í kpena. Mpi tɔ, i ka heela i tɛtɔnaa kɛ na isɔle kɔsɛmle si Iso í lɔsa-wɛɛɛ Icipiti taa pá kpena i mɔwa.

20 Mpyú Iseyeli nyóma lu Sukɔti na pá polo Itam ke wɔlaya tetu kin.

PIIPILI USO TOM TAKELAYA
Portions of the Holy Bible in the Lokpa language of
Benin

copyright © 1999 SIM

Language: Lokpa (Lukpa)

Translation by: SIM

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-10-16

PDF generated using Haiola and XeLaTeX on 21 Feb 2024 from source files dated 31 Aug 2023

ef14191a-91f7-51c1-ac89-7b93dd7c4377